



21  
1911

Bosnia and Herzegovina  
Federation of Bosnia and Herzegovina  
**CANTON SARAJEVO**  
Anti-Corruption Office

Broj: 20-04-24273-24/26 J.S.  
Sarajevo, 11.05.2026.godine

**Federacija Bosne i Hercegovine**  
**SKUPŠTINA KANTONA SARAJEVO**  
**Ul. Reisa Džemaludina Čauševića br. 1**  
**71 000 Sarajevo**

**PREDMET: Odgovor, dostavlja se**

Veza: Vaš akt broj: 01-04-24273-3/26 od 05.05.2026.godine

Poštovani,

u okviru 30. radne sjednice Skupštine Kantona Sarajevo, zastupnik Faruk Selmanović uputio je zastupničku inicijativu Ministarstvu privrede Kantona Sarajevo te Uredu za borbu protiv korupcije Kantona Sarajevo ( u daljem tekstu: "Ured") kojom se od Ureda traži da ispita da li postoji prostor za diskreciono odlučivanje bez jasno definisanih kriterija, utvrdi da li su kriteriji raspodjele transparentni, mjerljivi i jednako primjenjivi na sve korisnike, da predloži mjere za unapređenje transparentnosti i kontrole u planiranju i realizaciji programa te da ispita da li postoji nesrazmjer između planiranih sredstava i realnih potreba tržišta. S tim u vezi Vam dajemo odgovor, kako slijedi:

**I. Zakonski okvir za dodjelu poticajnih sredstava**

Zakon o poticaju razvoja male privrede ("Službene novine Kantona Sarajevo" broj 29/15) ( u daljem tekstu "Zakon") je osnovni propis kojim se regulišu osnove planiranja, osiguranje sredstava i provođenje mjera razvoja male privrede u Kantonu Sarajevo, aktivnosti i mjere Vlade Kantona Sarajevo ( u daljem tekstu "Vlada") u poticaju razvoja male privrede. Vlada na prijedlog Ministarstva privrede Kantona Sarajevo, donosi Program razvoja male privrede (u daljem tekstu: Program), za period od četiri godine, a što je propisano članom 10. stav 1. i 2. odnosnog Zakona. Programom se utvrđuju: smjernice razvoja, poticajne mjere, nosioci provođenja poticajnih mjera, aktivnosti provođenja, izvori sredstava, metodologija provođenja i praćenja provođenja pojedinih mjera.

Na osnovu Programa, Ministarstvo privrede Kantona Sarajevo, na prijedlog nosioca Programa a na osnovu člana 10. stavova 3. 4. i 5 ovog Zakona donosi Godišnji plan provođenja Programa (u daljem tekstu: Godišnji plan), a koji usvaja Vlada.

Podzakonski akt i to Pravilnik o postupcima u provođenju programa razvoja male privrede („Službene novine KS“, broj: 17/25) (u daljem tekstu: Pravilnik) donosi Ministarstvo privrede Kantona Sarajevo.

Pravilnikom se obavezno uređuje:

- a) metodologija rada, kojom se obezbjeđuje javnost rada,
- b) kriteriji za izbor učesnika u provođenju Programa,
- c) kriteriji za izbor korisnika sredstava i razvojnih projekata kojima se jača konkurentna sposobnost subjekata male privrede,
- d) definisanje i uređenje odnosa putem ugovora između nosioca programiranja razvoja i ostalih učesnika u provođenju Programa,
- e) pouka o pravnom lijeku za stranke koje smatraju da su aktivnostima u provođenju Programa povrijeđena njihova prava ili su na drugi način oštećena i
- f) način izvještavanja i praćenje provođenja Programa, usklađen sa procedurom praćenja realizacije Programa rada Vlade.

U skladu sa članom 18. Pravilnika Ministarstvo privrede Kantona Sarajevo nadzire i prati provođenje Programa i Godišnjeg plana, analizira rezultate i izrađuje izvještaje. Izvještaj o izvršenju godišnjeg plana odnosno Ministarstvo podnosi Vladi i Skupštini Kantona Sarajevo.

Dakle, proces dodjele poticajnih sredstava razvoju male privrede u Kantonu Sarajevo uređen je odnosnim Zakonom i Pravilnikom o postupcima u provođenju programa razvoja male privrede, dok je vođenje Registra poticaja uređeno Odlukom o registru poticaja razvoja male privrede u Kantonu Sarajevo („Službene novine Kantona Sarajevo“, broj: 11/21).

Navedenim propisima jasno je određeno da je nosilac aktivnosti planiranja, provođenja i praćenja efekata poticaja Ministarstvo privrede Kantona Sarajevo, koje provodi javne pozive, predlaže Vladi godišnje planove provođenja Programa razvoja male privrede, zaključuje pojedinačne ugovore sa korisnicima i prati izvršenje obaveza korisnika u skladu sa zaključenim ugovorima.

Zakonska je obaveza Ministarstva privrede Kantona Sarajevo da sačinjava analize efekata poticajnih sredstava koja se dodjeljuju iz Budžeta Kantona Sarajevo, te da izvještaj o efektima dostavlja Skupštini Kantona Sarajevo i Vladi Kantona Sarajevo na razmatranje. U tom kontekstu, sistemska analiza ekonomskih i razvojnih efekata dodijeljenih poticaja, kao i predlaganje mjera za unapređenje samih programa poticaja, primarno spada u djelokrug rada resornog ministarstva.

Skupština Kantona Sarajevo, kao zakonodavno tijelo, putem razmatranja navedenih izvještaja Ministarstva privrede Kantona Sarajevo ostvaruje važnu nadzornu ulogu nad svrsishodnošću i efektima utroška budžetskih sredstava namijenjenih poticajima razvoja male privrede.

## II. Registar poticaja razvoja male privrede u Kantonu Sarajevo

Odlukom o registru poticaja razvoja male privrede u Kantonu Sarajevo („Službene novine Kantona Sarajevo”, broj: 11/21) uspostavljen je Registar poticaja razvoja male privrede u Kantonu Sarajevo, čija je svrha uspostava centralizovanog, kvalitetnog i učinkovitog pregleda poticaja dodijeljenih na osnovu Zakona, radi unapređenja upravljanja poticajima razvoja male privrede u Kantonu Sarajevo, dodatnog osiguranja transparentnosti u dodjeli ovih poticaja, kao i radi prevencije mogućih koruptivnih aktivnosti u procesu dodjele poticaja.

Registar poticaja razvoja male privrede u Kantonu Sarajevo dostupan je javnosti na zvaničnoj web stranici Ureda ([www.anticorruptiks.com](http://www.anticorruptiks.com)), čime je već uspostavljen alat koji omogućava javnu kontrolu i praćenje dodjele poticajnih sredstava i koji predstavlja antikoruptivni instrument za praćenje utroška budžetskih sredstava.

U skladu sa članom 13. Odluke, nadzor nad njenom primjenom vrši Ured, koji prilikom vršenja nadzora preduzima mjere iz svoje nadležnosti. S tim u vezi Ured je dana 06.05.2026. godine uputio akt Ministarstvu privrede da izvrše dopunu podataka u pomenutom Registru, budući da Ured kontinuirano provodi aktivnosti iz svoje nadležnosti, a u kontekstu nadzora nad podacima unesenim u Registar.

## III. Postupanje Ureda po službenoj dužnosti i po prijavama korupcije

U skladu sa članom 41. Zakona, Ured ima nadležnost da po službenoj dužnosti pokrene postupak provjere ukoliko tokom provođenja aktivnosti iz propisane nadležnosti i djelokruga rada dođe do podataka ili informacija koji izazivaju sumnju u korupciju.

Pored navedenog, svako fizičko ili pravno lice, uključujući i zastupnike u Skupštini Kantona Sarajevo, može Uredu podnijeti prijavu korupcije ili konkretne informacije i dokaze koji upućuju na postojanje nepravilnosti u postupcima dodjele poticajnih sredstava ili na postojanje sukoba interesa kod konkretnog korisnika poticaja, nakon čega će Ured postupiti u skladu sa svojim zakonskim ovlaštenjima.

## IV. Zaključak

Imajući u vidu sve naprijed navedeno, Ured u okviru svojih zakonom utvrđenih nadležnosti:

- vodi Registar poticaja razvoja male privrede u Kantonu Sarajevo, kao centralizovani i javno dostupan alat za transparentnost dodjele poticajnih sredstava i prevenciju mogućih koruptivnih aktivnosti u procesu njihove dodjele te vrši nadzor nad podacima unesenim u Registar;
- u svakom konkretnom slučaju u kojem se dođe do podataka ili informacija koji izazivaju sumnju u zloupotrebu javnih sredstava i resursa, pokreće postupak provjere u skladu sa članom 41. Zakona;

Ured će, u okviru svojih zakonom utvrđenih nadležnosti, prihvatiti predmetnu inicijativu i provesti analizu antikorupcijskih rizika u procesu planiranja i raspodjele sredstava u okviru Programa razvoja male privrede za 2026. godinu, te će o poduzetim radnjama, nalazima i eventualnim preporukama informisati Skupštinu Kantona Sarajevo.

S poštovanjem,

**Dostaviti:**

1. Naslovu
2. A/a

